

255

1960

穀料五

膠軍德

卷之三
中興王

勅封河神大王將軍傳序

自葱嶺以東匯流為川者以百數河為大自洪水以降有功於河者以十數禹為大以大聖人為天下興大利去大害宜若易然然相柳之殺九虺之搜山海岳瀆二經章章可考他如魚身呈括地之圖綠字受濁河之簡亦錯見於書中候晉地理志諸編彼聖人者豈借是以愚衆人之耳目而鼓動其率作興事之思哉夫將欲



非常之原顯不可思議之績固宜奔走羣靈昭
明盼饗如此也聖清受命進退百神之祀於稽
前典凡宋元明以來冥蹟顯著者寵以 大王
將軍諸位號立廟河壩有司以時致禋祀焉憶
同治七年鶴年以豫軍會合湘淮諸將將皖寇
於河朔時則 金龍四大王見於提督長沙黃
公舟中臣浪稽天賊騎陷泥淖不得騁卒就殲
於徒駭黃運之間光緒五年黑堽堤鬪刻畧告

潰鶴年與中丞六安涂公暨各僚吏竭智畢力
既倒之瀾竟幸無事繫 神之庥是賴其他拯
危澹灾萬怪馴擾不可殫論皆昭昭在人聽睹
間非如古載籍所記神道設教徒廣其說於迂
誇閎誕之域也愚嘗怪一孔目論之士往往翫
所習見而駭所希聞如洪北山譏樂氏寰宇記
淮水下載庚辰鎖無支祁一事為不經者夫以
宇宙之廖廓陰陽之煦蒸游魂靈怪觸象而構

藏精於窈冥麗狀於蠕跂者所在多有若今諸神之昭靈贊順俾臨黃千數百里之黔首得以免於魚鼈記所謂有功於民則祀能捍大災禦大患則祀者非耶獨惜諸神靈蹟散見歷史及諸私家紀載向未勒有成書特屬觀瞻甯朔任公旁稽博採都為一編其或志乘無徵則姑從蓋闕之例以待隨時補輯務期傳信萬世而已若夫河伯馮夷之名見於汲冢之書郭參軍

司馬喜之說陽紆從極焜燿水仙究未聞於隕林捷石之時見靈爽為徵驗則亦等諸睽車之志宣室之編豈若是書之審慎翔實俾閱者咸憬然於

聖天子德侔如后懷柔百神翕河順軌與夫大王將軍之生英沒靈精爽不渫用以佐億萬年有道之長也是為序

光緒辛巳歲夏月替河使者義州李鶴年謹識

聖諭

光緒七年閏七月十一日內閣奉

上諭李鶴年等奏新建將軍總廟請列入祀典並頒

匾額一摺河南省城內外向於

大王專廟附祀各將軍名位歷著靈應每遇黃河

險工疊出均獲轉危爲安茲經李鶴年等於省城

捐建將軍總廟奉祀

陳九龍將軍

曹將軍

楊四將軍暨各河神現在工程告藏著南書房翰林恭書匾額一方交李鶴年等祇領敬謹懸掛以答

神庥餘著照所議辦理該部知道欽此

匾額字樣係白流歸德

奏疏

河道總督臣李鶴年河南巡撫臣涂宗瀛謹

奏爲典祀正神省城新建總廟懇

恩列入省會春秋二祀並

頒匾額以肅觀瞻而順輿情恭摺具陳仰祈

聖鑒事竊查河南歷祀河神省城內外均有

大王專廟而各將軍多係附祀且名位未能全列

伏念大王將軍久著靈應近數十年來河工遇

有險要無不顯示化身周歷保衛立即轉危爲安已卯夏秋黃河兩岸異漲頻仍險工叠出下南廳十七堡尤屬岌岌幸各將軍隨同大王化身擁護衆目共瞻用致悍溜外移搶辦月餘卒臻底定在工官弁民夫同深抃舞僉議建廟省垣以彰靈貺臣等爰率南北兩道暨各廳員公議於省城捐廉倡建總廟奉祀歷著顯應功績最崇之

陳九龍將軍

曹將軍

楊四將軍三位均塑像昭示其曾受

封號事蹟有稽姓名可考者共六十一位俱爲人心所繫衆口交傳亦皆刊刻神牌列祀計經始於升任廣東按察使前開歸陳許道倪文蔚現在工程告藏廟貌已隆據鹽運使銜開歸陳許道任愷二品銜彰衛懷道陳寶箴呈請具

奏前來臣等伏查七政之齊星辰隨日月而成曜
四從之設風雲合雩祭以立壇茲豫省倡建河
神各將軍總廟洵足以彰助順而式馨香合無
仰懇

天恩俯准將豫省將軍廟列入祀典春秋致祭並
賞賜匾額懸挂以肅觀瞻而順輿情之處出自
鴻施除咨部查考外謹合詞繕摺具陳伏乞

皇太后

皇上聖鑒訓示謹

奏

光緒七年閏七月初二日

謹按

禮部祀典內載

河神大王廟均定於每年春秋二仲月之上戊
日致祭久經遵照在案今

河神將軍廟落成理應春秋致祭謹擬定於每
年春秋二仲月之次戊日致祭再每逢
大王神誕均有祭享謹將誕辰陳列於左惟
將軍神誕多所未詳姑從闕以俟稽考

金龍四大王 九月十七日誕辰

黃大王 十二月十四日誕辰

朱大王 十二月初七日誕辰

栗大王 八月二十日誕辰

考定朱大王生日記

爲天神地祇作生日斯妄也若以人而神者其生日炳然可考卽以人道事之於其日薦牲醴奏管絃以娛神而祈福亦固其宜大河之尊神三一日謝一日黃一日朱朱爵侯也而與謝黃並崇稱爲王謝黃誕降之辰人多傳之獨朱王之生日未著咸豐五年王顯聲靈於工次當事列狀請加封號於朝報允觀察周君煦徵

以未得知 王生日歲闕此祭深用爲憾乃託
之筵筭定爲八月初三日爲文栞之石余以同
治十年持節行河讀周文而疑之維王去今未
久其家當有譜牒可徵假爲卜筮而武斷之無
乃誣神歟 王義烏人也遂書與浙中官府從
義烏令求索之今得報書錄其家乘來乃知
王爲十二月初七日誕生快然自幸喜免於欺
罔之愆夫天下事固至陋也不可遽數而徧識

也有不知者必就其有可知之道徐以求之求
之而終不得斯可無恨若不深求而恣臆爲之
靡不誤者誤然後悔亦無及矣凡百施作能無
慎乎今旣灼知王之誕辰至期必蠲饔歌舞以
告歡忻而通饗胥庶幾 明神之昭格爰鑲石
書事置於壁間周君記文之右以曉吏民且垂
爲常典焉同治十二年五月五日治河使者塗
水喬松年記並書

附記義烏縣錄送家乘
尚書公是聰字四十二行字孟九號梅麓生於
天啓癸亥年十二月初七日子時歿於康熙丙
午年二月二十二日戌時松年按癸亥是天啓
三年丙午是康熙五年享壽四十四歲先正事
畧謂四十二歲誤也夫人沈氏生於天啓甲
子年九月二十二日子時歿於崇禎癸未年三
月初八日巳時繼夫人沈氏生於崇禎壬申年
四月十二日未時歿於康熙辛巳年九月初二
日側室馬氏張氏

勅封顯佑通濟昭靈効順廣利安民惠孚普運護國

孚澤綏疆敷仁保康贊翊宣誠靈感輔化襄猷

溥靖德庇溥佑金龍四大王傳

四明徐渭撰

王姓謝名緒宋會稽諸生晉太傅安之裔祖達
父某有兄三人曰紀曰綱曰統王最少行第四
居錢塘之安溪後隱金籠山白雲亭素有壯志
知宋鼎將移每忼慨憤激甲戌秋八月大雨天

目山頽王會衆泣曰。天目乃臨安之鎮。苕水長流。昔人稱爲龍飛鳳舞。今頽宋其危乎。未幾宋鼎移。王晝夜泣語其徒曰。吾將以死報國。其徒泣曰。先生之志果難挽矣。歿而不泯。得伸素志。將何以爲驗。曰。異日黃河北流。是予遂志之日也。遂赴水死。時水勢高丈餘。洶洶若怒。人咸異之。尋得其尸。葬金籠之麓。立祠於旁。元末我太祖與元將蠻子海牙戰於呂梁。元師順流而下。

憑威靈其典未備於時。前開歸道倪君文蔚建議。斥裝營祠汴城之西南隅。得地一區。今開歸道任君愷董偕吏僚協資委工。而河北道陳君寶箴佐而終之。材匠充盈。衆工具興。始作惟春。延於夏首。爲日百。爲金五千。有七百。而工成。崇墉雕甍。丹彩煥潔。旣肅旣嚴。靈魄來下。凡爲殿五楹。中像將軍之尤著者。三次牌書將軍名爵爲位者六十。有一殿之東西爲廳。六中環

迴廊樓閣上覆庖湏有所尊凡備具落成之日
鶴年既同巡撫六安涂公莅事祠下私維

神之庥烈以左右王而祐助我

國家宜永永昭垂

聖朝報祀之典於無窮鶴年竊祿河上厯彌歲
紀乘安流之徜徉觀人民之洽和於以休弛筋
力稍追其疚戾實

國之福而

神之所賜爲大鶴年其與有寵幸焉爰爲之辭

曰

積石崑崙厥惟河源建瓴涼雍砥柱龍門豫當
中州亘流千里地數爲敗終古於此捍災備殃
神生其間魚龍擾馴萬恠駭殫其王酋酋憑河
以守維

神從之疏附禦侮風車雲旗不後而先爭趨於
功踴躍萬千曰歲己卯河齧斯濫衛薪不屬人

夫惴慄

神赫有怒以奔以趨障挽瀾濤莫安於危憑

國崇靈下上悅喜營宇大梁祀事伊始有門有
堂壁牆持持邊爵靜嘉旌旄參差

神福無疆翼戴

天子刻辭訛功防宣之紀

監修開封府下南河同知張承綸督修東河候補同知龔秉彝河南候補通判黃履中司上河南候補縣丞劉豫立東河候補主簿王廷柱闡官傅文錦

光緒七年歲次辛巳夏六月上澣穀旦 敬立

汴梁始建河神將軍廟碑

頭品頂戴兵部尚書兼都察院右都御史總督河南山東河道提督軍務義州李鶴年敬撰
兵部侍郎兼都察院右副都御史巡撫河南等處地方提督全省軍務並滿州營官兵兼理河道六安涂宗瀛敬書

豫州當河之衝流境內且千里始折而入於海

禹蹟既淹爰歷周漢迄於元明世戴其患數千

年以來殫一代之財賄智力保而治之僅以無

事蓋豫之州土浮鹵而勢衍下易爲敗當河之

決湍悍橫溢萬命爭呼卒無所施及其既工若

有神助故河之神亞於海而靈尤著云
列聖受命有事於河

宵旰謀思臣工贊勤屢奠大功於是

嘉神之庥諏稽前典益寵而光

錫神爲

將軍位貳於王踵故褒新不可算紀顧王
之於豫咸有廟祀而

將軍弼成王勲亦王之亞也不專而享以

我師將潰太祖忽見空中有神披甲執鞭驚濤

涌浪河忽北流遏截敵舟震動顛撼旌旗閃爍

陰相協助元師大敗太祖異之是夜夢一儒生

披幃語曰余有宋會稽謝緒也宋亡赴水死行

間相助用紓宿憤太祖嘉其忠義誥封爲金龍

四大王金龍者因其所葬地也四大王者因其

生時行列也自洪武迄今江淮河漢四瀆之間

屢著靈異商舶糧艘舳舻千里風高浪惡往來

無恙。僉曰：王賜敬奉弗懈。各於河濱建廟以祀。報賽無虛日。九月十七日，爲其誕辰，祭賽尤盛。非王忠義之氣昭昭耿耿，光融顯赫，而能然乎？嗟夫！宋社旣屋，於今已數百年矣。銅駝荆棘，故宮茂草，而王之神靈獨磊磊落落，常在天地間。生而忠義，歿爲神明，與文山、疊山諸公並垂不朽可也。宋末謝臯羽，翺爲文丞相客，丞相殉國，臯羽每哭之慟，竟死。其忠義至今猶傳誦之。王

之忠義不滅。臯羽而姓氏湮沒，行事尤不概見。其敬畏而奉祀之者，徒以其爲江河之神，於風濤洶涌中，死生呼吸，仰其庇祐而然耳。夫豈知其忠義而崇奉之歟？余故表而出之，俾奉祀者得有所考云。

謹按

王於前明天啟年間，從總漕蘇茂請加封護國濟運龍王通濟元帥。

三
國朝順治二年十里河清。兩隄克奠。河督楊公方

興。題請

特封昭靈効順金龍四大王。康熙三十九年海口疏

通。濟運神速。河督張公鵬翮。題。四十年正月

加封顯佑通濟昭靈効順黃河金龍四大王。康熙六

十年。

御題扁額。各工在在立廟。春秋二仲並九月十七日

誕辰。官爲致祭。

勅封靈佑襄濟顯惠贊順護國普利昭應孚澤綏靖

溥化保民誠感黃大王傳

曾孫大成元孫宣玉薰沐述錄

王諱守才。字英傑。號對泉。姓黃氏。河南河南府偃師縣人。其先世居晉洪洞。遭紅巾亂。遷偃。越數世生王。王生爲明神。多著異績。謹述數條。以誌其略。

王生方歲餘。幼兄相攜東阡嬉戲。失足墜井。兄

啼泣歸告。率家人往視。王在井坐。水而上。兩手拍舞嬉笑。無恙。男婦見者。喜躍驚異。因共出之。遠近相傳。以爲神。

王三歲。父母俱逝。育於母舅劉。王六歲。隨舅在船。偶觸舅怒。舅叱之。王投洛流深處。舅急倩人撈救不得。衆多怨舅者。舅愧恨拯求。自辰至申。臨流雪涕。忽見王從上流里許水中出。衣襦不濡。

王七歲。浴伊水浦。捕野鶴乘之。飛登緱山巔。徘徊良久。復駕野鶴歸浴所。鄉人聚觀焉。

王十二歲。隨舅舡抵虞城張家樓。時有糧舡二百餘艘阻沙。不能動。運糧官吳夜夢金甲神告曰。明午有活河神。姓黃者至此。其相貌若何。年齒若何。屆期王至。相貌如夢中所聞。糧官拜懇誠至。王書黃紙焚水濱。須臾風起沙退。舡行。王併爲預示。前途行止遲速。厥後悉如王言。此活

河神之稱所由始。

王二十四歲遊天台山。時天旱泉竭。農民告艱。王指地開取泉水一曲。至今利賴。

王三十四歲伊洛交溢。漂沒村舍。邑令登門求退水之策。王手一指。河水立退。官民感德。因建廟。油房庄。

王三十六歲柳園河口商人失金。急流尋之。不得。幾欲自盡。人令求王指示其處。金果全獲。無

有遺失。

王三十九歲流寇劫掠將抵洛偃。居民咸恐。荷擔而立。莫知所向。王令避河北樓子營。男婦數萬趨之。後果無事。

王四十二歲封印金龍口潰。水北流。糧道淤塞。工部侍郎周公堪賡治之。費金數十萬。無補。親身赴偃敦請王至。乘舟使人持柳條數枝插決口。三日後水歸故道。糧道遂通。

王四十三歲流寇決河灌汴京。水浸城。不沒者三尺。王急攝周王出城。送南京。卯時起程。巳時回。偃計三時。往還六千里。

王在家閒居。同里王可久。子方四歲。卧道傍。忽氣絕。久慟哭。適王至。視之曰。無恙。用手拂之。卽甦。

每歲十二月十四日。王壽辰。男婦來祝甚夥。王袖梨棗諸果。酌之。常以一袖之果。應千萬人而

不窮。

順治二年金龍口衝開。

欽命工部侍郎修之。限二月功竣。費萬金未告成。聞王名。遂檄魯邑令敦請求策。王至。令黠河夫內有一人名黨住者。王留之曰。是人將爲神。命送百金於其家。捲黨住於埽中。入水少頃。見一藍手如箕。出水面。官民怖恐。請王視之。叱曰。封汝將軍之職。隨班侍直。手卽隱隄。工告成。

順治七年懷慶府沁河溢石隄將頽官民大恐
守道佟總鎮麻櫟邑令劉敦請王不就道但賜
黃符一張命焚水濱波濤頓息

順治八年杞縣大旱吏民赴偃敦請王至沐手
焚祝頃刻甘霖大沛縣人特爲建廟

順治十年薛家口南山密林中有龍爲蛛所敗
蛛絲如繩縛龍林木上適王至龍向王乞哀王
用火焚絲龍得騰去

王家居問事者甚衆惡煩避居潁川常至夜往
來於家人見之非乘虎卽乘鹿及叩王笑而不
言也

王居偃周王居汴東西相距三百餘里時遣官
召王人每見王騎一物有爪無角似龍似蟒瞬
息卽到不愆其期

王處荒年常濟饑賑貧但用蒸食一包散千萬
人無不足

王幼失怙恃。未讀書。迨四十後。於書無所不通。儒生求講經書者。王皆爲開發大義。微顯闡幽。多註家所未到。於是四方請業。屢滿戶外。

王生於萬曆三十一年十二月十四日。卒於康熙二年十二月十四日。世壽六十二歲。卒後屢顯靈佑。乾隆三年三月二十五日。河臣奏請祀

功奉

旨勅封靈佑襄濟。

勅封佑安廣濟顯應綏靖昭感護國孚惠靈庇助順

永甯侯朱大王傳

神姓朱氏。諱之錫。字孟九。號梅麓。浙江義烏縣人。

順治三年進士。歷官兵部尙書。都察院右副都御史。晉階太子少保。順治十四年任河道總督。凡修守運河。隄岸夫役工程。一一條奏報可。十七年以母喪當離任。

朝議以河務要亟。需經理。乃給假。俾治喪。旋即起

九
復在南河總督任。開董家口新河。復太行老隄。
挑高郵運道。治石香爐決口。皆相度機宜。順水
之性。妥協經營。故能迅速蕝事。著有河防疏略
可考。其功之著於豫省者。十四年河決祥符槐
疙疸。又決陳留孟家埠。十五年決陽武慕家樓。
十七年決陳留郭家埠。又決虞城羅家口。無不
克期堵築。不勞不傷。雖由

聖天子誠意默孚。河伯効順。亦賴

神盡心籌畫。實力修築之功居多焉。其見於兩河
利害等疏。如工程則有工力不到。法式非宜。料
物虛浮。徒事粉飾。器具則有儲備不豫。徒手莫
施。製作草率。不堪適用。夫子則有扣剋工食。奸
豪包占。賣富簽貧。賄鬻私逃。物料則有交修措
勒。扣減價值。折乾肥私。盜用官物。於官蠹役之
積弊。如火之燭。影鑒之取形。又曰非淡泊無以
耐風雨之勞。非精細無以察防護之理。非慈斷

無以應倉猝之機。又云。刑名錢穀。皆以文移辦治。獨河工。非足到眼。到不能至哉言乎。非熟諳河務。烏能道隻字。後之言治河者。豈能有以加此乎。又數年以勞瘁歿於任。然

神精忠報國。心在兩河。宣洩疏通。以期安瀾永慶之意。固未嘗隨以俱歿也。是以屢著靈異。嘗錫默護。河流順軌。長隄鞏固。何莫非

神功之垂佑乎。附岸田廬。賴以奠安。居民荷

神庥庇。建祠致祭。所在多有。康熙庚戌。毘陵太史吳公諱珂鳴字耕方者。過池州青谿鎮。見有新建河神廟。櫬題楹桷。美輪美奐。入禮之。見神像六尊。其五位像貌威嚴。衣冠古制。迺封號之。顯著者皆所素悉。惟第六神像位號猶生。衣履冠服皆從今制。心竊訝之。未得敬識也。乃進廟祝而詢之。祝曰。神所命也。去歲有巫降於此。自言我總河朱某也。奉

上帝勅命督理江河。宜廟食茲土。里人詢巫何所徵。信神言。今江濱舟中。有余同年二人。可邀來訪之。果然。乃亟請二人至廟。與神面敘生平交誼。歷歷不爽。皆人所不知之語。二君信爲不誣。哭拜而去。此後每有所禱。無不響應。乾隆四十三年。河決儀封十堡。

天子屢命重臣。會同河督。實力修築。費帑巨萬。閱二載。尙未成功。四十五年春二月。

皇上巡幸江浙。臨河駐蹕。

蹕默禱於神。而儀封漫口。卽於是日。大風陡作。巨溜全掣。數十丈之口門。立見填淤。因而下埽。不日合龍。方漫口之將塞也。或見有老人在灘相度。勘履植木爲記。問其故。曰。河水當從此過。非官定引河所經也。問其姓。曰。朱言。已忽失所在。而標記儼然。人所共覩。其人走告河北觀察朱公岐。親往視之。已而開放引河。果刷岸他徙。工遂

告竣咸以爲

神力之協助也。工成後，大學士阿公等以

神靈驗助順宣靈恭請

褒賜封號以答

神庥欽奉

特旨

勅封助順永甯侯

命大河兩岸立廟致祭當

神之歿也。

國家有事西南。卹贈褒揚。或不若後來諸公之赫奕優隆。彪炳祀典而

神公忠任事。盡瘁歿身。不可抑塞之氣。常留於天地而繫於人心。百有餘年之後。終得以身後効靈享

盛世封侯廟食之報。豈非積愈久發愈光乎。謹採輯事略。編纂成篇。以昭徵信。庶入廟告虔者。恭閱

是書藉以得知

神之始末。與廟之所由建乎。爰爲之記。

朱梅麓尙書事略

康熙五年二月。兵部尙書河道總督朱公之錫。薨於位。十二年。河督王光裕疏言。公生而盡瘁。歿爲河神。江淮兩河商民。追思惠政。弗諼邳州。宿遷中牟陽武曹單等縣。皆建廟塑像。尸祝漕艘運丁。每涉險有禱。輒驗。謹據輿情。籲請。

錫封疏下禮部。部議以河臣封神無成例。寢其議。乾隆四十五年。

高宗巡視河工。始允大學士阿桂請。以公歿爲河神。屢著靈應。

諭禮部。

賜封助順永甯侯。春秋致祭。後又

勅加封號曰佑安。謹按生英死靈。理本不易。而幽渺附會之說。儒者或以爲無稽。然古聖人以神道設教。王者受命進退百神之祀。凡以爲民而已。其應乎天神地祇人鬼之典法者。固爲秩宗所

掌錄。其能禦災捍患。合乎以死勤事之義。而又能見靈爽爲徵驗。以奔走天下者。王者亦秩而祀之。所以從民望也。

國家之制。歲以春秋二仲。

命所在。守土官致祭。英衛公伍員於錢塘。敷澤興濟。通祐王李冰父子於灌。顯佑安瀾甯漕助順之神。張巡於浮梁丹徒清河。誠應武肅王錢鏐於臨安。顯佑通濟昭靈効順廣利安民金龍四大

王謝緒於宿遷。及濱河各邑。靜安公張夏於蕭山。甯江伯湯紹恩於紹興。甯漕公宋禮。及永濟之神白英於汶上。威顯靈佑王許遠於山陽之高堰。彰靈衛漕神張襄於清河。佑民衍澤太湖神王天英於湖州。及蘇州。靈感普濟神許遜於南昌。廣濟孚順侯蔣崇仁。利濟孚順侯蔣崇義。靈應孚佑侯蔣崇信於仁和。保濟顯佑侯戴繼元於德清。孚惠善政靈德侯王元暉於鄞。孚惠

佑民天井潭神劉揚祖於慈谿。誠孚利濟之神陳道興於義烏。宣威助順靖遠侯楊瀨於永綏。廳靈佑宏濟顯惠王黃守才於陳留。閔鄉及濱河各邑。張桓侯飛趙將軍雲於曹。諸葛武鄉侯亮於成都。宣威布德康濟雷神陳文玉於雷州。英佑驍騎將軍江起龍。襄靖普佑神張瑜於徐聞。顯佑英濟廣福王武當於義甯。敷佑康澤靈應侯耿裕德於運河。揚糧廳靈應鎮海威遠金

華將軍曹杲於錢塘。敬義侯尙義侯秉義侯詹
姓三神於翁源。孚惠侯晁說之於鄞。顯佑宣靈
王周雄於新城。昭應伯王光鼎於建德。靈佑伯
周文煜於黔陽。猛將軍劉承忠於各直省府州
縣。及助順永甯佑安侯朱之錫於濱河各邑。皆
載在祀典。歷加

封號。紀在

大清通禮。其人其地。皆確鑿可稽。用此見我

聖朝懷柔百神。昭明胙饗。能知萬物之情狀。而後能
知鬼神之情狀。誠非一孔目論之士。所能仰窺
而臆測也。然考所祀諸神。其事蹟或不盡顯著。
惟朱公治河十載。功德在人。而其始終爲國爲
民之精誠。復能昭揭於身後。則其歿爲明神也。
何疑焉。公字孟九。號梅麓。浙江義烏人。順治三
年進士。選庶吉士。授編修。六年。大學士范公文
程等。請簡翰林官十二人。編輯六科奏章。備

國史之用。公與焉。十年。遷宏文院侍讀學士。尋遷詹事。時方纂修明史。疏請

勅部宣示中外。有以明末邸報來上者。量加賞賚。並責成各直省學臣。購進遺書。任滿時。課多寡爲殿最。下所司議行。十三年。晉宏文院學士。明年擢吏部右侍郎。

世祖章皇帝嘗幸館中。給筆札賦詩。有禁內盤盂皆敬勝。猶懷筆諫效前賢之句。

上覽之大喜。

命坐。

賜茶。

諭嘉公氣度端醕。才品勤敏。令以兵部尙書銜總督河道。駐濟甯州。十五年。河決山陽。公馳赴清江浦。築戢隄以衛之。決口遂塞。宿遷董家口爲淤沙所閼。別開新河四百丈於舊渠迤東。以通運道。十六年。疏言黃河泛溢之害無代無之。前明

二百餘年。數興大役。治水名臣。如徐有貞。劉大夏。潘季馴等。塞決口。疏河身。役夫俱八九萬。至十餘萬。糜帑不貲。我

朝數百萬京儲。仰給東南。凡籌河者。必兼籌濟運。黃河自滎澤至山陽。運河自惠通至清口。前明規制。十存其五。欲一一修復。工繁帑絀。謹酌盈虛。權緩急。條上十事。一曰歲修。夫役宜存舊額。一曰淮工。宜酌行民修舊例。一曰隄閘。宜擇最要

者先治。一曰柳料。宜預爲籌備。一曰誤工病民弊端。宜嚴剔。一曰曠盡銀兩。宜釐核。一曰河工職守。宜慎重。一曰河官既有專責。不應別膺差委。一曰歲終宜察核所屬賢否。分別舉劾。以示勸懲。一曰黃運二河。毗連數省。宜

勅各巡撫。共襄河務。疏下部。皆如所請行。八月疏薦同知佟養鉅。魏裔魯。孫裔昌。知縣余縉。崔維雅等。得

旨敘錄。十月以兵船緯夫有守候越站攘奪奔追諸苦累。請自今兵船分別征勦駐防酌定夫額。設官巡察從之。先是公丁母憂。

命在任守制。至是疏請扶柩歸葬。

優詔給假治喪。事竣仍卽赴任。十七年冬復任。偕僚屬捐銀賑濟淮揚徐三府災民。康熙元年加太子少保。九月河決原武祥符蘭儀等縣。公力籌堵塞自爲短歌。俾遭鐸徇行。夫役皆踴躍趨事。

以是屢有成功。是年河南巡撫劉源濬條奏南陽汝甯二府開墾荒地。請免河工差徭十年。部議令公覈覆。公言差徭貴均勞逸。新墾者偏逸。則舊業之民偏勞。請自今領墾地畝者。五年後起派雜差。又工部以江南瓜洲剝船。逋欠河庫銀令公察追。公言近年商船通行。剝船無從覓利。兼又撥應兵差。其新舊額稅均宜豁免。又疏請造船撈淺。高郵四十五艘。寶應江都各十八

艘共支帑千七十餘兩。並從之。前後疏薦河工分司主事壽以仁。高恒豫。郎中吳煒。河南驛傳道萬永祚。揚州推官王士禎等。俱敘錄。四年疏言南旺爲運河之脊。北至臨清。南至台莊。全賴四十餘閘。啟閉節宣。以資挽運。若差船兵船不時駛至。應閉者強之使開。洩水下注。則重運之在上游者阻矣。應開者強之使閉。留水待船。則重運之在下游者又阻矣。夫公差旣由水程。卽

隨漕而進。未致誤期。如慮河路迂遲。自應從陸乞

天語申飭各遵例禁得

旨。嗣後非奉極要勅旨差遣。擅行啟閉閘口者。卽指名題參。公治河殫竭心力。每當各工並急。則南北交馳。寢食俱廢。盛暑介馬暴烈日中。隆冬犯霜雪首尾十年。先是壬寅秋歲大祲。山左中州淮南道殲相望。公設法倡賑。全活甚衆。至是督

催空艤抵臨清。積勞成疾。及東旋。形色顛顛。明年春。復閱視大挑。奔馳邳宿間。病日臻。因繕疏請告。未拜發而薨。年四十有二。無子。

優詔議卹

賜祭葬如例。著有寒香館。河防疏略行世。初。河庫貯銀十餘萬兩。頻年搏節。得四十六萬有奇。後公爲河督者。若靳文襄。陳恪勤。齊勤恪。嵇文敏諸公。皆有名績。且皆

勅建專祠。而公特開其先路。其神異乃尤著云。

朱大王十二月初七日誕辰

勅封誠孚顯佑威顯栗大王事略

公姓栗氏名毓美字友梅山西渾源州人嘉慶六年以拔貢生官河南知縣遇災年放稅賑穀以實惠民不以上官意爲損益遷光州知州汝甯府知府徙開封歷河南糧儲道開歸陳許道遷湖北按察使河南布政使道光十五年授東河總督公前知武陟縣黃沁隄馬營壩工皆親與其役及是益勤詢河兵官久於河者以地勢

水脈及前任行事之當否。蓋北岸自武陟至封邱二百餘里。南岸自祥符下泚至陳留六十餘里。皆地勢卑下。多串溝串溝者。在隄河間。其始但斷港積水而已。久之溝首受河。又久之溝尾入河。而串溝遂成支河。於是以遠隄十餘里之河。變爲近隄之河。而隄河相遠之處。舊皆無工。不儲料者也。於是以無工之處。變爲至險之工。故人不及覺。覺且不及防。往往潰隄爲大患。公

乘小舟周歷南北。時北岸原武泚串溝。受水已寬三百餘丈。行四十餘里。至陽武泚溝尾。復入大河。又合沁河。及武陟滎澤諸灘水。畢注隄下。兩泚素無工。故無稽石。隄南北皆水。不能取土築壩。公卽收買民輒。於受衝處。拋輒成壩。四十餘晝夜。成輒壩六十餘所。壩甫成。而風雨大至。支河首尾。皆決開數十丈。而隄不傷。公由是知輒之可用。又試之原陽越隄。及攔黃壩。暨南岸

之黑岡。皆效。遂奏請減買稽石銀。兼備甄價。計千甄爲一方。方價六兩。是後每有工役。碎石及稽埽用大減。數年間省官銀百三十餘萬。而工益堅。有不便其事者。特異議。語頗

上聞。公前後陳奏曰。護隄之方。率用稽埽。然埽能壓激水勢。俯齧隄根。又易朽腐。至碎石坦坡。惟鞏縣濟源產石較近。而採運已艱。河工失事。多在無工處所。千里長隄。勢不能盡爲籌備。而河勢

變遷不常。衝非所防。遂爲決口。甄則沿河民窰。終歲燒造。隨地取給。不誤事機。且甄及碎石皆以方計。而石多嵌空。甄則平實。每方石五六千斤。而甄重多三分之一。一方石價。可購甄兩方。而拋甄一方。當石兩方之用。其質滯於石。故入水不移。堅於稽。故入水不腐。又土不能築壩。水中甄則能水中拋壩。卽盪成坦坡。亦能緩受急衝。化險爲易。或謂甄可保將生未生之工。不能

用於已生之後。然使將生者可保。卽別無可生之工。昔衡工之決。因灘陷埽不能施。馬營壩之決。因補隄不能得碎石。使知用埽不如拋。甄收甄易於運石。則數千萬之官銀可省。疏入。

上知公忠實可任。且綜畫周密。卒皆允之。

屢詔褒賞。終公任五年。河不爲患。

本朝河臣。自朱公之錫後。若靳文襄。張文端。張清恪。陳恪勤。稽文敏。張慈敬。黎襄勤。諸公皆有名績。

然修築率仍舊法。易稽石以甄。自公始。非卓識精思。身試而得其所以然之故。不能創此法也。二十年薨於位。

上聞軫悼。

贈太子太保。

賜祭葬。

予諡恭勤。時長子烜已官刑部郎中。乃賈公曰。請賜次子燿進士。公在工。勤其職。有風雨危險。必躬親。

之居平。河曲折高下嚮背。皆在其隱度。每日水將抵某所。急備之。或以爲迂。且勞費。公曰。能知費之爲省。乃真能省費者也。已而水至。乃大服。故十五年原陽之支河。十八年盛漲八尺之水。皆決口而有餘。卒以無事。或以爲天幸。然前公任三年。祥符決。公卒後二年。南岸決。明年又決。則豈非人事哉。公之令安陽武陟。及守開封也。恤疲甿。懲猾吏。折疑獄。如神。他人得其一。足稱

循吏。然於公猶非其大者。傳曰。心誠求之。公治河能通物性以盡利。誠壹故也。況求民情也哉。公旣卒。吏民思公不置。乃立廟祀之。烜燿皆官監司。

栗大王八月二十日誕辰

勅封顯應宋大王

王諱禮字大本河南永甯縣人明永樂九年官
工部尙書總督河務追贈太子太保諡康惠光
緒五年四月顯佑漕船渡黃入運漕督文 奏
請

勅加大王封號奉

旨依議欽此接准

部咨封號字樣奉

硃筆圈出顯應欽此

勅封永濟靈感顯應昭孚昭宣白大王

王諱英山東汶上縣人明永樂間宋尙書用王
策開運河有功雍正年間

勅封永濟之神同治六年河督蘇 奏

勅加靈感同治七年直督李 奏

勅加顯應同治十三年東撫丁 奏

勅加昭孚光緒五年四月顯佑漕船渡黃入運漕督

文 奏請

勅加大王封號奉

旨依議欽此接准

部咨封號字樣奉

硃筆圈出昭宣欽此

勅封統理河道翼運通濟顯應昭靈普順安流衍澤

顯佑贊順護國靈應昭顯普佑陳九龍將軍

嘉慶十七年於陝西大荔縣九龍廟

勅加昭靈普順嗣又

勅加安流衍澤同治六年河督蘇 奏

勅加顯佑同治七年直督李 奏

勅加贊順同治八年河督蘇 奏

勅加護國同治十二年東撫丁 奏

勅加靈應光緒四年漕督文 奏

勅加昭顯光緒五年漕督薛 奏

勅加普佑

勅封管理河道鎮海威遠金華將軍靈應孚惠護國

顯佑昭應曹將軍

將軍諱杲五代時人嘉慶二十四年

勅封鎮海威遠金華將軍嗣又

勅加靈應同治六年河督蘇 奏

勅加孚惠同治七年直督李 奏

勅加護國同治八年河督蘇 奏

勅加顯佑同治十二年東撫丁 奏

勅加昭應

勅封管理江河翼運平浪靈佑贊順斬龍楊四將軍

將軍河南溫縣人生而有靈明永樂間時年十二邑水暴漲作楫濟渡忽失足落水父大哭俄見乘板嬉笑欲呼之復入水伸手作龍蛇狀順

流東下是夜鄉人同夢言受封爲將軍康熙年
間

勅封將軍同治六年河督蘇 奏

勅加靈佑同治八年河督蘇 奏

勅加贊順

勅封管理河道水府靈通廣濟顯應英佑侯蕭公

公姓蕭名伯軒龐眉蛟髮美髯面如童年少爲
人剛正自持言笑不苟善善惡惡里閭咸爲之

準平歿於咸淳間遂爲神附童子先事言禍福
中若發機鄉民相率立廟於新淦縣之太洋洲
福澤一方元時以子祥叔死有靈合祀於廟洪
武嘗遣諭祭永樂十七年其孫天任卒屢著靈
異亦併祀之詔封水府靈通廣濟顯應英佑侯
勅封管理河道顯靈平浪侯晏公

公姓晏名戊仔臨江府之清江鎮人也濃眉虬
髯面黑如漆平生疾惡如探湯人有不善必曰

晏公得毋知乎其爲人敬憚如此元初以人才
應選入官爲文錦局堂長因病歸登舟卽淹然
而逝從人歛具一如禮未抵家里人先見其輴
騶導於壙野衣冠如故咸重稱之月餘以死至
且駭且愕語見之日卽死之日也啟棺視之一
無所有蓋尸解云父老知其爲神立廟祀之有
靈顯於江湖前明詔封顯靈平浪侯

勅封管理河道孚惠黎河神

神諱世序河南羅山縣人官河東河道總督謚
襄勤同治七年徽撫英 奏

勅封孚惠河神

勅封管理河道湧水順風柳將軍

勅封管理河道填埽閉塞黨將軍

將軍諱住河南封邱縣人爲河夫順治二年荆
隆決口 欽使敦請 黃大王求策王至令點
河夫內有將軍王留之曰是人將爲神命送百

金於其家捲將軍於埽中入水少頃見一藍手
如箕出水面官民恐怖請王視之叱曰封汝將
軍之職隨班侍直手卽隱隄工告成

勅封管理河道湧浪分水劉將軍

勅封管理河道通濟平浪張將軍

勅封管理河道添沙混水武將軍

勅封管理河道穩埽護壩鄧將軍

勅封管理河道平水息浪黃將軍

勅封管理河道催運保船丁將軍

勅封管理河道變水鴻浪高將軍

勅封管理河道順水招財潘將軍

勅封管理河道催水運沙彭將軍

勅封管理河道流沙漫灘季將軍

勅封管理河道鎮埽穩椿袁將軍

勅封管理河道緩水息浪孔將軍

勅封管理河道截水漫沙盧將軍

勅封管理河道九江通會楊將軍

勅封管理河道鑒查善惡楚將軍

勅封管理河道移土填潭郝將軍

勅封管理河道穿地青龍馬將軍

勅封管理河道洪河利水周將軍

勅封管理河道白馬梁將軍

勅封管理河道活水起漍張將軍

勅封管理河道掠風淘河康將軍

勅封管理河道滾水播浪劉將軍

勅封管理河道播水開導張將軍

勅封管理河道宗大將軍

勅封管理河道宗二將軍

勅封管理河道靈應宗三將軍

勅封管理河道宗四將軍

勅封管理河道捲水徐將軍

勅封管理河道混水吳將軍

勅封管理河道孫將軍

勅封管理河道侯將軍

勅封管理河道焦將軍

勅封管理河湖薛將軍

勅封管理河道耿將軍

勅封管理河道魯將軍

勅封管理河道韓將軍

勅封管理河道羅將軍

勅封管理河道榮將軍

勅封管理河道白將軍

勅封管理河道潘將軍

勅封管理河道范將軍

勅封管理河道沈將軍

勅封管理河道賀將軍

勅封管理河道聶三將軍

勅封管理河道聶四將軍

勅封管理河道楚河常許四將軍

勅封管理河道何將軍

勅封管理河道秦將軍

勅封管理河道湯將軍

勅封管理河道張將軍

勅封管理河道錢將軍

勅封管理河道趙將軍

勅封管理河道馮將軍

勅封管理河道岑將軍

勅封管理河道李將軍

勅封管理河道溥佑王將軍

將軍諱仁福江蘇太湖廳人由監生歷捐同知分發東河同治六年署理祥河同知是年八月黃河陡漲工程危險搶埽落水身故大溜登時外移七年伏秋汎化身登埽工程平穩紳民咸欽神異八年二月河督蘇奏請

勅加將軍封號奉

旨禮部議奏欽此十年正月奉

部議准十三年十一月因屢著靈異保護險工

河督喬奏請

勅加封號奉

硃批禮部議奏欽此光緒元年四月接准

部咨封號字樣奉

硃筆圈出溥佑欽此

255
1960

